

Austrália Hakarak Hatene Intensaun TL Ba Sosa Asaun

Husi: Tome Amado

DILI: Foreign Investment Review Board (FIRB) obrigadu pendente prosesu transferénsia pagamentu sosa asaun Timor-Leste iha Greater Sunrise tanba hakarak hatene intensaun Timor-Leste nian.

Ministru Estadu Reforma Lejizlatura Parlamentu (MERLAP), Fídelis Magalhães hateten, FIRB mak husu tempu ba TL atu haree fila-fali prosesu molok nasaun rua ne'e hakat ba to'o pagamentu.

"Sira mak husu la'ós ita, ho razaun atu haree lai intensaun Timor-Leste nian antes ba to'o pagamentu sosa asaun ne'e" tenik nia, iha Uma Fukun PN, horisehik.

kontinua ba paj. 11

03 ABRIL 2019

KONTINUASAU

Austrália Hakarak.....

.....husi Paj.1

Nia hatutan, antes prosesu diskusaun ne'e segredu no laiha ema ida mak bele asesu tanba prosesu ne'e nu'udar xave. Maibé, agora buat hotu nakloke ona, ne'e duni Governu la taka asuntu ida kona-ba prosesu saida mak parte rua ne'e hatuur ona iha akordu.

"Ita lalika preokupa tanba ita ninia prosesu kona-ba dalan atu hakat ba oin ne'e transparénsia, PN mós halo ninia fiskaliza-saun", dehan nia.

Fidelis hatuvan, laiha razaun ida governu atu taka informasaun ba públiku relasiona ho esforsu sira

ne'e, karik segredu parese públiku labele hatene maibé agora la segredu ona.

Prosesu transferénsia sosa asaun loloos halo ona iha loron 18 Marsu 2019, maibé adia bazeia ba pedidu husi FIRB, tanba tenke pronunsia uluk kona-ba operasaun kompañia estranjeiru iha Austrália, liuliu iha konsórsiu ne'e.

FIRB husu tempu atu estuda dokumentu Timor-Leste nian ba sosa asaun ne'e pelumenus semana ida. Ne'e duni, husu atu bele adianta to'o iha loron 5 Abril 2019.

Tuir deklarasaun Pre-

zidente Timor GAP, Francisco Monteiro iha ajénsia Lusa, TL sei laiha responsabilidade multa bainhira estensaun to'o loron 31 Marsu 2019, tanba ne'e la'ós problema Timor nian. Maibé liu loron ne'e tenke selu ona multa. Tuir kontratu, kada loron sei selu multa kuaze rihun \$48.

Ne'e duni, bazeia ba pedidu husi FIRB nian, karik liu loron 5 Abril 2019 maka Timor-Leste foin bele halo prosesu konferensista, maka sei selu multa loron lima nian, hahú husi loron 1 - 5 Abril 2019, ho total osan \$240.000.